



UNIVERSITÄTS-
BIBLIOTHEK
PADERBORN

**LEGVM PON||TIFICIARVM GRE-||gorij noni, seu
Decretalium pentateu-||chus**

Mesnart, Martin

Parisiis, 1555

xiii. De sacra vnctione.

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

De sacra vñctione.

monachus factus est, si tamen de superioris consilio ad eadem domum reuorsus erit, & laudabiliter in ea conuersatus, in abbatem ipsius monasterii præficere liceto.

*ii. Cum
contingat* Cui abbati ab episcopo secundum morem præficiendorum abbatum manus impositio facta erit, si sacerdos existat, lectores per manus impositionem in suo monasterio solummodo faciendi licentia esto. Qui laici ad monasteria conuolantes à suis abbatibus tonsurati erunt, per primam tonsuram à talibus iuxta formam ecclesiæ datam clericalis ordo confertor.

De sacra Vñctione. Tit. 14.

*i. Cum ve
nisset.* **E**PISCOPO, cum consecrabitur, caput & manus ab episcopo, cui mandatum erit, assistentibus ei duobus episcopis secundum morem ecclesiasticum deliniuntur. Vñctionis duæ species sunt. Exteriori, quæ materialis est & visibilis, corpus: cor interiori, quæ spiritualis est & inuisibilis inunguntur. Illa huius signum esto. hæc in ecclesia sacramentum habetor. Oleum, quo exhibebitur, benedicitor. Id cathecumorum vel infirmorum adpellator. Chrisma ex oleo & balsamo conficitor. Caput episcopi propter dignitatem & auctoritatem, manus propter ministerium & officium inunguntur. Christo ecclesiæ capite facto principes amplius in capite ne vnguntur. Ad brachium siue humerum vel armum vñctio transfertor. Põtificis caput chrismate consecrator, brachium principis oleo delinitor. Christiani omnes bis ante baptismum, pri-

De sacramentis non iterandis. 21

mum in pectore, dein inter scapulas oleo benedicto: bis post baptismum sacro chrismate, primum in vertice, dein in fronte inunguntur. Frontis chrismatio, manus impositio, confirmatio dicitur. Cæteras vnctiones simplici præbytero vel sacerdoti exhibere licet. hanc non nisi summus sacerdos id est episcopus confert. Altare, cum consecrabitur, templum, cum dedicabitur, calix, cum benedicetur inunguntur. In ordinandis presbyteris, & consecrandis episcopis omnibus eum, quem sedes apostolica seruat, morem episcopi tenent.

De sacramentis non iterandis. Tit. 15.

Presbyter & diaconus, cum ordinabuntur, ^{3. Presbyter.} manus impositionem tactu corporali, ritu ab apostolis introducto recipiunt. si obmissum erit: ne iterator, at statuto ad huiusmodi ordines conferendos tempore quod per errorem prætermisum est cautè subpletur. Cum oratio super caput effundetur ordinandi, suspensione manuum qui adstant clerici faciunt.

Nec, si sine impositione manuum ad hypod^{1. Pastoralis.} diaconatus ordinem adsumptus quis erit, nec, si cum confirmaretur clericus oleo nõ chrismate per errorem delinitus erit, aliquid iterator. quod incautè prætermisum erit, cautè subpletur.

Neque, si quis à schismaticis sepultus erit, ^{2. Anobis.} exhumator, nec sacerdotalia indumenta, in quibus exauthorati presbyteri celebrassint, iterum benedicuntur, nec altaria consecrantur.